

湛然居士文集

二

化國書館

kaohua library

開化圖書館

Wahua Library

開化圖書館

Kaichua library

開化圖書館

Kaishua library

湛然居士文集卷之四

和呂飛卿韻

再用韻贈連國華

謝飛卿飯

再用韻紀西遊事

再用韻贈搏霄

再用韻謝非熊召飯

再用韻唱玄

再用韻

和搏霄韻代冰陸疏文因其韻為十詩

寄賈搏霄乞馬乳

謝馬乳復用韻二首

贈搏霄筆

再用韻寄搏霄二首

再用韻別非熊

愛子金柱索詩

贈賈非熊搏霄一首

和李振之二首

非熊兄弟餞予之燕再用振之韻

和連國華三首

連國華餞予出天山因用韻

還燕和德明韻二首

和橙梅韻

和竹林一禪師韻

西菴上人住夏禁足以詩戲之

送韓浩然用馬朝卿韻

戊子喜雨用馬朝卿韻二首

戊子餞非熊仍以呂望磻溪圖為贈

和宋子玉韻  
和李邦瑞韻二首

和邦瑞韻送奉使之江表

和王正之韻

祝忘憂居士壽

蠟梅二首

謝禪師 公寄閭山紫玉

和鄭壽時之韻

寄沙井劉子春

和琴士苗蘭韻

和人韻二首

和武川嚴亞之見寄

己丑過鷄鳴山

寄天山周敬之

邦瑞乞訪親因用其韻



和李邦瑞韻

過清源贈法雲禪師

贈五臺長老

和呂飛卿韻

舊說飛卿詞翰全風神  
渾似晉名賢吟詩校  
子三十里押韻輸君一  
着先筆迹查牙森似  
戟詞源浩汗注如川  
好詩好字獨予得  
准備携將帝里傳

再用韻贈國華

學道宗儒難兩全  
湛然深許國華賢  
儒門已

悟如心恕道藏能窮象帝先似海詞源涵萬  
水如鯨飲量吸長川而今一識君侯面始信清  
名不浪傳

謝飛卿飯六首

一鞭羸馬渡天山偶到雲川暫解鞍獨守空  
房方丈穩更無薄酒一杯殘詩書半蠹絕來  
客釜甑生塵笑天冷官賴有覺非飛卿憐野拙  
長鬚為我饋盤飧

再用韻紀西遊事

河中西城尋恩子城西  
遼日為河中府花木蔽春山爛賞東風縱

寶鞍留得晚瓜過臘半藏來秋菓到春殘親嘗  
芭攬寧論價自釀蒲萄不納官常嘆不才  
還有幸滯留遊城得佳食

再用韻贈搏霄

以搏霄戒向罷鷹  
犬故以是詩美之

凜凜風神白玉山罷遊鷹犬逞金鞍瑤琴高掛  
么絃絕攝易頻翻斷簡殘息念如僧還有髮  
忘形見客似無官伽陀誦罷爐薰冷一鉢疏羹  
當曉食

再用韻謝非熊召節

行盡遐陬萬里山十年飄泊困征鞍春風燕語

歸心切夜月猿啼客夢殘

聖世因時行夏正愚臣嗜教媿春官誰知賢帥  
開青眼掃洒西菴召我食

再用韻唱玄

藤條擊破鐵圍山倒跨白牛不鞴鞍講疏僧歸經  
卷亂坐禪人起佛燈殘為學未必如為道選佛  
從教勝選官百事湛然都不念祇知渴飲與饑  
食

再用韻

雲山疊、復雲山瘦馬蘆鞭矮面鞍瀚海去

程千驛遠揚州歸夢五更殘塵緣淡處應忘世逸  
興濃時好解官二頃良田何必覓春山笋蕨亦  
供餐

和搏霄韻代水陸疏文因其韻為十詩

資生無畏濟人深便見能仁六度心塵世捐財  
矜苦厄寒林洒飯拔幽沉既臨巨海鈎神物試  
叩洪鍾伺好音今日湛然攀舊例珠纓休惜  
掛祇林

新朝威德感人深渴望雲霓四海心東夏再降  
烽火滅西門一戰塞煙沉顯觀頒朔施仁政紓

待更元布德音好放湛然雲水去廟堂英俊  
政如林

論道西菴愛慕深推誠片：露丹心瑤琴莫  
撫相如引寶鼎休焚韓壽沉花氣渾如三角串  
松風全似五絃音清談終日忘歸思不覺昏鴉  
噪晚林

五派分流道愈深塵中誰識本來心穿心土挽  
元無漏沒底膠瓶却不沉山色水光呈妙相鳥  
啼猿嘯露圓音雲霞活計無求飽何事狂童

作肉林

狂童作  
獨夫

前生未了妄緣深  
薄宦相縈負夙心  
只見淵明能印弃  
誰知居士解舟沉  
窮通榮辱皆真夢  
毀譽稱譏盡假音  
中隱冷官閑况味  
歸心無日不山林

居士才微學未深  
靜思寧不愧中心  
難忘北海千鍾酒  
虛負西菴一炷沉  
綺語做顰蹙賡險  
韻瑤琴學步鼓純  
音此番公安案休  
拈出祇恐相傳入  
笑林

新詩欵玉起予深  
獨有搏霄我許心  
真迹居塵聊俯仰  
高名與世任浮沉  
同成雅會清茶話

共賞枯桐白雪音他日歸休約何處燕山叅  
謁萬松林

賢師文章蘊藉深雲川傾蓋便同心掀髯談  
道檠燈地抵足論文塞月沉有眼句中君得意  
無絃琴上我知音乘舟誤捉波中月莫學當  
年李翰林

浪迹西遊歲月深臨風誰識湛然心斯文將  
喪儒風歇真智難明佛日沉佳茗暫嘗轟雪  
浪正聲聊作鼓雷音年來逸興十分切准備求  
真入道林



漁磯舊隱荻花深塵世寧忘昔日心兩岸清風  
單舸穩滿江明月一鉤沉飢來煮稻無兼味醉  
後鳴榔笑五音閑卧煙蓑春夢斷不知潮起  
沒青林

寄賈搏霄乞馬乳

天馬西來釀玉漿  
羊囊傾處酒微香  
長沙莫吝西江水  
文舉休空北海觴  
淺白痛思瓊液  
冷微甘酷愛蔗漿  
涼茂陵要洒塵心  
渴願得朝朝賜我嘗

謝馬乳復用韻二首

生涯簞食與囊漿空憶朝回衣惹香筆去餘  
才猶可賦酒來多病不能觴松窓雨細琴書  
潤槐館風微枕簟涼正與文君謀此渴長沙美  
潼送予嘗

肉食從容飲酪漿差酸滑膩更甘香  
囊旋造逡巡酒榷器頻傾歛灑觴頓解老饑能飽  
滿偏消煩渴變清涼長沙嚴令君知否只許詩  
人合得嘗

贈搏霄筆

一扎霜毫綴土枝管城家世出東涯  
鑿東鋒

端有口能談景紙上無聲解寫詩免向江淹  
求彩管莫學班氏弃毛錐贈君聊助文房用  
賦就離騷寄我知

再用韻寄搏霄二首

玉立堂前紫桂枝雲川中隱寓天涯風神蕭散  
能談道格調清新解作詩鄙論我甘蒙醬瓿  
擗作辨邪論搏霄嘗讀之雄材君已露囊錐澄膏次人誰識祇  
有清風明月知

斫倒霜筠節外枝誰言法界有邊涯筌蹄意  
盡閑周易脂粉情忘束詒詩去歲生涯猶說劍

今年活計更捐錐威音那畔真消息試問瞿  
曇也不知

再用韻別非熊

靈木垂芳桂兩枝非熊佳譽動西涯倦聽琴  
阮嫌狂客飽看經書厭小詩成德美君垂竹  
帛虛名嗟我類刀錐會難別易堪惆悵何日  
重來誰得知

愛子金柱索詩

文獻陰功絕比倫昆蟲草木盡承恩我為  
北闕十年客汝是東丹九世孫致

主澤民宜務本讀書學道好窮源他時輔翼  
英雄主珥筆

承明策萬言

贈賈非熊搏霄一首

二陸尊賢擅美聲月評難弟亦難兄西菴麾  
塵談三界北觀携琴論五行休道酒仙無太白  
須知詩伯有飛卿奇人輻輳君門下占斷西州  
好士名

和李振之二首

半經功名未可呈無心何處不安生十年滄海

塵空起百歲黃梁夢乍驚  
舊迹既荒松菊在丹誠  
不變鬢髮更年來漸有  
昇平均望每悵栖鷄  
半夜鳴

酷憶遙山寸碧呈歸耕  
何日樂餘生蠅營得失  
都無念狗苟榮枯總若  
驚客夢覺來家萬里  
聲詩吟罷月三更溟鵬  
本有衝天志直待三年  
再一鳴

非熊兄弟餞予之燕丹用振之韻

藝逢知己敢相呈幾夜  
論文喜氣生筆陣我甘  
三舍退詩壇君使四筵  
驚公初傾蓋冬將半

予擬乘輅歲欲更特與幽人助行色一聲寒  
角隔煙鳴

和連國華三首

歲月如流走鬼鳥求真可惜費功夫深源到  
底忘根柢至道元來貴拙愚真理不空宜具  
眼太虛無面莫添鬚直須穩坐長安好切忌  
途中認畫圖

安得長繩繫日烏天涯老却舊耕夫林泉放  
曠輸君樂沙漠淹留笑我愚虎戰每驚沙虎  
尾龍飛不得採龍鬚文章畢竟成何事富貴

元知不可圖

月上南枝啼夜烏悲歌彈鋏嘆征夫愁邊逐  
日看周易夢裏隨風謁太愚縱有征塵遮兩  
眼却無慚色上三鬚

真人已應千年運佇待河清再出圖

連國華餞予出天山因用韻

十年不得舞衣班一憶江南膽欲寒黃犬候來  
秋自老白雲望斷信何難軍中得句常橫槊  
客裏傷心每據鞍游子未歸情幾許天山風  
雪正漫



還燕和美德明二首

紛：世態眩榮華靜裏乾坤本不諱琴阮生涯  
聊自適詩書事業更何加但期  
聖德澤天下敢惜餘生寄海涯可笑燕然舊遊  
客倚樓悲我客程賒

又和橙子梅韻

可笑人心自短長誰知箇事不囊藏化成橙子  
舌耽味幻作梅英鼻覺香金卵似真隨變滅  
冰魂元假却芬芳唯心識破同根旨何必臨風  
再舉揚

和竹林一禪師韻

富貴無心羨五侯隨時俯仰浪西遊  
斷無事業流千古靜看英雄混九州  
白鴈縱傳遐域信黃華却負故園秋  
蒼生未濟歸何益一見吾山一度羞

西菴上人住夏禁足以詩戲之

觸處無非選佛堂東風何處避春光  
郡人無足克千界大地絕塵塞四方  
舉步踢翻滄海月轉身踏破白雲鄉  
快須擊碎閑家具說向西菴笑一場

首句一作都盧只是一禪林

送韓浩然用馬朝卿韻

開懷樽俎笑談傾未暇論文君已行富貴塗亨  
渠易致詩篇韻險我難賡已成傾蓋金蘭友  
安用沾襟兒女情准擬秋深迓歸騎一樽濁  
酒遠相迎

戊子喜雨用馬朝卿韻二首

酷暑炎々正不禁一聲雷震釀輕陰救回南畝  
十分旱變作西郊三日霖遍野桑疇青幄密  
連天麥壠綠雲深王孫喜雨登樓宴世貝酒黃  
壚解帶金

生死輪迴苦莫禁不如學道惜分陰  
舡乘沒底聊相渡雲出無心強作霖  
不死鄉中靈草異長生劫外紫雲深  
茅山道士真堪笑虛費工夫煉五金

戊子餞非熊仍以呂望磻溪圖為贈

昨夜白麻降日邊文章領袖遠朝

天遙思

御座分香賜更想

龍庭命席前白面書生酬夙志  
黑頭邊帥領新權非熊應笑非熊老  
八十猶然釣渭川

和宋子王韻

勇將謀臣滿玉京吾儕袖手待昇平  
荆榛至道常嗟我柱石中原豈捨卿  
日下有人叨肉食雲中高士振詩鳴  
思君興味如梅渴海印道號那能識此情也

和李邦瑞韻二首

隴右竒才冠士林萬言良策起予深  
澤民致主傾丹懇邀利沽名匪素心  
我伴簿書無好思君陪風月有閑吟  
他年共納林泉下茅屋松窓品正音

謝君千里遠相尋  
傾蓋交歡氣義深  
筆硯生涯一作書劍因緣  
又作鐵石肝腸無異志  
金蘭氣味本同心  
揮毫解賦登高句  
緩軫能禪對竹琴  
此去鱗鴻知有便  
臨風無吝寄芳音

和邦瑞韻送奉使之江表

駟騎翩々出玉京  
金符一挿照人明  
莫忘北闕龍飛志  
要識南陔鳩舌情  
布袖來朝無騎乘  
錦衣歸去不徒行  
昇仙橋畔增春色  
郡守傳呼接長卿

和王正之韻

洪才碩德兩相宜  
雅操真堪據鳳池  
富貴未終隨夢變  
功名何在值時危  
竒辭解吐萬言策  
敏思能吟七步詩  
但倩東風輕着力  
摩挲天鵬翼若雲垂

其二

自慚不解告嘉謨  
十載韜藏僻一隅  
巨海洪深容弃物

新朝寬厚用愚夫  
亨時嘉會十年少  
聖主雄材萬代無  
文物規模皆法古  
佇看明詔起真儒

其三

皇天輔德本無親樂道奚憂甌滿塵道泰小  
人當屏斥時屯君子自經綸浮雲富貴元千  
變昨夢繁華得幾春遇不遇兮皆是命吾儕  
休羨錦衣新

楞嚴經云生死  
涅槃都如昨夢

祝忘憂居士壽

酷似燕山竇十郎靈椿初老桂枝芳兩朝厚  
遇垂千稔一日清名滿四方玉佩丁東照蘭省  
斑衣搖曳悅萱堂他年叅到平常處便是長  
生不老鄉



蠟梅二首

越嶺仙姿迥異常  
洞庭春染六銖裳  
枝橫碧玉天然瘦  
雷破黃金分外香  
反笑素英渾淡抹  
却嫌紅艷太濃粧  
臨風浥此蔷薇露  
醉墨淋漓寄渺茫

其二

冰姿夢裏慕姚黃  
滴蠟凝酥別樣粧  
生妬白紅太濃淡  
懶施朱粉自芬芳  
寒英深染蔷薇露  
冷艷微煙篤耨香  
受用清絕恣吟詠  
遠惜花一念未全忘

謝禪師 公寄問山紫玉

方外閑人天一隅因風寄我紫雲腴起予妙  
理欺歡伯滌我枯腸壓酪奴琥珀精神渾仿  
佛葡萄滋味較錙銖禪師遠弃桃源路日  
尋山摘此無

和鄭壽之韻

聖主龍飛日月新微才忝預股肱臣民財已  
阜錢如水駟騎長閑塞不塵威鎮西陲輸定  
遠宴開東閣暮平津何時收拾琴書去林下  
衣冠作舜民

寄沙井劉子春

寄語沙城老故人別來贏得鬢邊塵  
馬蹄踏破關中月新句吟空河表春  
名利相縈余有歎琴書自樂子非貧  
何時策杖君家去再試淵明漉酒巾

和琴士苗蘭韻

徒步南來愛陸機公餘邂逅似相期  
高山韻吼千崑木流水聲號半夜陂

聖德宛如歌治化南風猶似撫瘡痍  
曲終聲散無人會撩我高吟一首詩

和人韻二首

西域諸蕃古未知  
來生遠過禹封畿  
名山淮擬金泥檢  
古塞無勞羽檄飛  
世樂詎能敵靜樂  
蓑衣到底勝朝衣  
年來痛憶閭山景  
月照茅亭水一圍

其二

干戈未斂我傷神  
自恨虛名誤此身  
否德詎能師百辟  
微材安可步三辰  
箕裘謾嘆青氈舊  
勲業空驚白髮新  
安得夔龍立廊廟  
扶持堯舜濟斯民

和武川嚴亞之見寄

當年西域未知名四海無人識晉卿  
扈從

鸞輿三萬里謀謨鳳閣九重城  
衣冠異域真余志禮樂中原乃我榮  
何日功成歸舊隱五湖煙浪樂餘生

其二

亞之平水久馳名

亞之本絳陽人今寓居武川訓童為生

壯歲題橋慕

長卿厭世德風如偃草驚為人  
詩價比連城功名未立不為嫌  
仁義我能行亦足榮此理幽微人  
不識莫言儒道拙謀生

其三

今年又得亞之詩每嘆風雲會遇遲拙運且淹  
童子役雄材宜作帝王師羨君筆下揮千字知  
予胸中蘊六竒靜對西風和新句淒然南望  
動深思

其四

誤忝 綸恩斗印懸之才羞到

玉墀前劾姦封事夢猶諍許國忠誠老益堅  
仁政發從

天北畔捷音來自海西邊從今率土霑王化禮

樂車書共一天

其五

寥寥落龍沙寄此生情鍾我輩豈無情參商管  
鮑賢朋友南北機雲好弟兄蓮葉飄香思晚浦  
梅花飛雪夢春城故園日夜歸心切未濟斯  
民不敢行

己丑過鷄鳴山

三年四度過鷄鳴我僕徘徊馬倦登寂寞柴門  
空有舍蕭條山寺靜無僧殘花濺淚千程別  
啼鳥傷心百感生今古興亡都莫問穹廬高

卧醉騰

寄天山周敬之

當年傾蓋識君初，爛飲天山駐使軍。  
秋去安仁空有賦，雁來公瑾又無書。  
林巒紅葉如人老，籬落黃華亦我疎。  
為向天涯道岑寂，強吟新句附雙魚。

邦瑞乞訪親因用其韻

干戈擾攘戰交侵，一紙安書直萬金。  
兄子生還愁未解，萱堂仙去恨尤深。  
涕零倚木西風怨，腸斷聞鈴夜雨淋。  
養老送終真有憾，號天



如割望雲心

和李邦瑞韻

趙老名言本兩忘  
庭前空有栢蒼々  
西江吸盡慵開口  
北載添來亦括囊  
明月清風何所礙  
落花流水不相妨  
須知居士元無病  
底用千年舊藥方

過清源贈法雲禪師

汾水禪師箇裏人  
杖藜尋我過清源  
半盃紅葉情何厚  
一盞青燈話細論  
山水景中君適意  
兵戈堆裏我銷魂  
他年相約雲深處  
松竹蕭々

靜掩門

贈五臺長老

高岡登陟馬玄黃  
落日西風過晉陽  
道士忻迎捧林果  
儒冠遠近挈壺漿  
五臺強壯頭如雪  
開化輕安鬢未霜  
誰會二師深密意  
趙州元不下禪床

湛然居士文集卷之四

湛然居士文集卷之五

贈蒲察元帥七首

庚辰西域清明

用鹽政姚德寬韻

用昭禪師韻二首

和薛正之見寄

乞扇

壬午西域河中遊春十首

遊河中西園和王君玉韻四首

河中遊西園四首

河中春遊有感五首

過閭居河四首

感事四首

壬午元旦二首

過沁園有感

用劉正叔韻

西域家人輩釀酒戲書屋壁

西域從王君玉乞茶因其韻七首

和冲霄韻五首

和冲霄十月桃花韻二首

和薛正之韻二首

贈蒲察元帥七首

閑騎白馬思無窮  
來訪西城綠髮翁  
元老規摹妙天下  
錦城風景壓河中  
花開把攬芙蓉淡  
酒泛蒲萄琥珀濃  
痛飲且圖容易醉  
欲憑春夢到盧龍

其二

積年飄泊困邊塵  
閑過西隅謁故人  
忙喚賢姬尋器皿  
便呼渣客奏箏筩  
葡萄架底葡萄

菊酒杞攬花前杞攬仁酒釀花繁正如許莫教  
辜負錦城春

其三

主人知我怯金觴特為先生一改堂細切黃橙調  
蜜煎重羅白餅糝糖霜幾盤綠橘分金縷一  
椀清茶點玉香明日辭君向東去這些風味  
幾時忘

其四

使君排飭宴南溪不枉從君鳥鼠西春鴈旅  
澆濃鹿尾臘糟微浸軟駝蹄絲魚膾明如

玉屑：雞生爛似泥白面書生知此味從今更  
不嗜黃齏

其五

筵前且盡主人心明燭厭：飲夜深素袖佳  
人學漢舞碧髻官妓撥胡琴輕分茶浪飛香  
雪旋擘手橙盃破軟金五夜歡心猶未已從教斜  
月下踈林

其六

主人開宴醉華胥一派絲篁沸九衢黯紫蒲  
萄垂馬乳輕黃杷攬燦牛酥金波泛蟻斟歡

伯雪浪浮花點酪奴忙裏偷閑誰若此西行萬  
里亦良圖

其七

閑乘羸馬過蒲華又到西陽太守家瑪瑙瓶中  
簪亂錦琉璃鍾裏泛流霞品嘗春色批金橘  
受用秋香割木瓜此日幽歡非易得何妨終老  
住流沙

庚辰西域清明

清明時節過邊城遠客臨風幾許情野鳥間  
關難解語山花爛熳不知名蒲萄酒熟愁腸



亂瑤瑤孟寒醉眼明遙想故園今好在梨花深院  
鷓鴣聲

用益政姚德寬韻

乃祖開元柱石臣雲孫髣髴玉麒麟從來德矣  
輿人口此日恩霑

聖世春欲草薦書學北海未開東閣媿平津而  
今且試調羹手好看沙堤繼舊塵

用昭禪師韻

銀鈎全似趙周臣詩比黃華格調新道眼點開  
言外句禪心說破劫前春山中跛挈魚為客林

下道遙自在人不犯清波垂釣處卧龍隨手  
出龍津

其二

聖德洋洋雨露零蟲魚草木總歡榮妖氛歛  
禍

堯風扇外道消聲佛日明

和薛正之見寄

賢臣

聖主正時遭建策

龍庭莫憚勞大壑波深翻巨鯉高空風順過

鴻毛一番制度新才術百代文章舊雅駭勉力自  
強宜不息功名何啻泰山高

乞扇

屈朐圓裁白玉盤幽人自剪素琅玕全勝織女絞  
綃帕高出湘妃玳瑁斑座上清風香細細懷中  
明月淨團圓願祈數柄分居士顛倒陰陽九夏  
寒

壬午西域河中遊春十首

幽人呼我出東城信馬尋芳莫問程春色未如  
華藏富湖光不似道心明土牀設饌談玄旨石

鼎烹茶唱道情世路崎嶇太尖險隨高逐下坦  
然平

其二

三年春色過邊城萍跡東歸未有程細細和  
風紅杏落涓涓流水碧石湖明花林啜茗添幽興  
綠野觀耕稱野情何日要荒同入貢普天鍾  
鼓樂清平

其三

春鴈樓邊三兩聲東天回首望歸程山青水  
碧傷心切李桃紅照眼明幾樹綠楊搖客恨

一川芳草惹羈情

天兵幾日歸東闕萬國歡聲賀太平

其四

河中二月好踏青且莫臨風嘆客程溪畔教枝  
繁杏淺墻頭千點小桃明誰知西域逢佳景始  
信東君不世情圓沼方池三百所澄、春水  
一時平

其五

二月河中草木青芳菲次第有期程花藏徑  
畔春泉碧雲散林梢晚照明含笑山桃還似

識相親水鳥自忘情避方且喜豐年兆萬頃青  
青麥浪平

其六

異域春郊草又青故園東望遠千程臨池嫩  
柳千絲碧倚檻妖桃幾點明丹杏笑天風真有意  
白雲送雨大無情歸來不識河中道春水潺  
潺滿路平

其七

四海從來皆弟兄西行誰復嘆行程既蒙傾  
蓋心相許得遇知音眼便明金玉滿堂邊素

志雲霞千頃適高情

廟堂自有夔龍在安用微生措治平

其八

寓跡塵埃且樂生垂天六翮歛鵬程無緣未  
得風雲會有幸能瞻

日月明出處隨時全道用窮通逐勢嘆人  
情憑誰為發豐城劍一掃妖氛四海平

其九

不如歸去樂餘齡百歲光陰有幾程文史三  
冬翰墨情田園二頃憶淵明賓朋冷落絕交分

親戚團樂說話情植杖耘耔聊自適笑觀南  
畝綠雲平

其十

襄翁老矣倦功名歛然間行軍笑李程牛糞火  
熟石炕煖蛾連紙破瓦窻明水中漉月消三毒  
火裏生蓮屏六情野老不知天子力謳歌鼓  
腹慶昇平

遊河中西園和王君玉韻四首

萬里東皇不失期園林春老我來遲漫天  
柳絮將飛日遍地梨花半謝時異域風光特



秀麗幽人佳句自清竒  
臨風暢飲題玄語  
方信無為無不為

其二

清明出郭赴幽期  
千里江山麗日遲  
花葉不飛風定後  
香塵微歛雨餘時  
彫鑿冰玉詩尤健  
揮掃龍蛇字愈竒  
好字好詩獨我得  
不來賡和擬胡為

其三

異域逢君本不期  
湛然深恨識君遲  
清詩厭世光千古  
逸筆驚人自一時  
字老本來遵雅淡

吟成元不尚新奇出倫詩筆服君妙笑我區  
區亦強為

其四

風雲佳遇未能期自是魚龍上釣遲  
品穴潛藏難遜世塵囂俯仰且隨時  
百年富貴真堪嘆半紙功名未足奇  
伴我琴書聊自適生涯此外更何為

河中遊西園四首

河中春晚我邀賓詩滿雲牋酒滿筵  
對景怕看紅日暮臨池羞焰白頭新  
柳添翠色侵凌

草花落餘香著莫人且著新詩與芳酒西園  
佳處送殘春

其二

河中風物出乎倫閑命金蘭玉笋巡半笑梨花  
瓊臉嫩輕顰楊柳翠眉新銜泥紫燕先迎  
客偷蕊黃蜂遠趁人日：西園尋勝際莫教  
辜負客城春

其三

幾年萍梗困邊城閑步西園試一巡圓沼印空  
明鏡瑩芳莎藉地翠茵新幽禽有意如留

客野卉多情解笑人屈指知音今有幾與誰  
同享瓮頭春

其四

金鼓

鑾輿出隴秦驅馳八駿又西巡十年際會風  
雲異一代規模宇宙新西域兵來擒偽主東山  
詔下起幽人股肱  
元首明良世  
高拱垂衣壽萬春

河中春遊有感五首

西胡

尋斯干有西戎樓  
里檀故宮在焉

構室未全終又見頽垣遠故墉

綠苑連延花萬樹碧堤回曲水千重不圖舌鼓  
談非馬甘分躬耕學卧龍糲食鹿衣聊自足  
登高舒嘯樂吾慵

其二

異域河中春欲終園林深密鎖頽墉東山雨  
過空青疊西苑花殘亂翠重杞欖碧枝初着  
子葡萄綠架已纏龍寺閑春晚芳菲歇葉底  
翩、困蝶慵

其三

坎止流行以待終幽人射隼上高墉窮通世路  
元多事艱險機閑有幾重百尺蒼枝藏病鶴  
三冬蟄窟閉潛龍琴書便結忘言友治圃耘  
蔬自養慵

其四

西域渠魁運已終

天兵所指破金墉  
崇朝駟騎馳千里  
一夜捷書奏

九重鞭策不須施  
犬馬廟堂良筭足  
夔龍北窓高卧薰風裏  
儘任他人笑我慵

其五

重玄叩擊教年終大道難窺萬仞墉舊信不  
來青鳥遠故山猶憶白雲重自知勲業輸離  
鳳且學心神似老龍忙裏偷閑誰似我兵戈橫  
蕩得踈慵

過閭居河四首

河水春盡水無聲告非岸鉤魚羨擊冰乍遠南  
州如夢蝶暫遊北海若飛鵬隨堤柳絮風何處  
越嶺梅花信莫憑試暫停鞭望西北迎風羸  
馬不堪乘

其二

北方寒凜古來稱親見陰山凍鼠冰戰鬪簷  
楹翻鐵馬窮通碁勢變金鵬五車經史都無用  
一鶚書章誰可憑安得衝天暢予志雲輿六  
馭信風乘

其三

一聖龍飛德足稱其亡凜々涉春冰千山風烈  
來從虎萬里雲垂看舉鵬  
堯舜微猷無闕失良平妙筭足依憑華夷一混  
非多日浮海長桴未可乘



其四

自愧聲名無可稱，賢愚混世炭和冰。  
竊盜倉鼠初成蝠，噴浪溟鯤未化鵬。  
賣劍學耕食粗，遣買山歸老價難。  
憑秋江月滿，西風軟，何日扁舟獨自乘。

感事四首

富貴榮華若聚漚，浮生渾似水東流。  
仁人短命嗟顏氏，君子懷疾嘆伯牛。  
未得鳴珂遊帝闕，何能騎鶴上揚州。  
幾時擺脫閑韉鎖，笑傲煙霞水自由。

其二

當年元擬得封侯一誤儒冠入士流赫々鳳鸞  
捐腐鼠區々蠻觸戰蝸牛未能離欲超三界必  
用麾旄混九州致

主澤民元素志陳書自薦我無由

其三

得不欣々失不憂依然不改舊風流深藏鳳壁  
毋投鼠好蓄龍泉候買牛山寺幽居思少室梅  
華歸夢遠揚州萱堂溫清十年闕負米供  
親媿仲由

其四

人不知予我不尤濯纓何必棟清流良材未試  
聊耽酒利器深藏俟割牛舊政欲傳新令尹  
新朝不識舊荆州睂山云邁歸商路痛恪新  
詩寄子由

壬午元旦二首

西域風光換東方音問疎屠蘇聊漫飲鬱壘不  
書舊歲昨霄盡新年此日初客中今十載孀母  
信何如

其二

萬里西征出玉關詩無佳思酒瓶乾蕭條異  
域年初換坎軻窮途臘已殘身過碧雲遊極  
樂手遮東日望長安年光迅速如流水不管  
詩人兩鬢斑

過泌園有感

昔年曾賞泌園春今日重來迹已陳水外無  
心修竹古雪中含恨瘦梅新垣頽月榭經兵  
火草沒詩碑覆劫塵羞對覃懷昔時月多情  
依舊照行人

用劉正叔韻

參叩松軒積有年光塵融洩一愚賢視民每羨  
如芻狗治國常思烹小鮮只道牛邊休執杖誰  
知琴上亦忘絃湛然稍異香山老不學空門不  
學仙

西域家人輩釀酒戲書屋壁

西來萬里尚騎驢旋借葡萄釀綠醕司馬捲  
衣親滌器文君挽袖自當爐元知沽酒業緣重  
何奈調羹手段無古昔英雄初未遇生涯或  
亦隱屠沽

西域從王君玉乞茶因其韻七首

積年不啜建溪茶，心竅黃塵塞五車。碧玉甌  
中思雪浪，黃金碾畔憶雷芽。盧仝七椀詩難  
得，諗老三甌夢亦賒。敢乞君侯分數餅，暫教  
清興遶煙霞。

其二

厚意江洪絕品茶，先生分出蒲輪車。雪花  
灑々浮金蕊，紫玉屑紛紛。碎白芽破夢，一椀非易  
得。搜腸三椀不能賒，瓊甌啜罷酬平昔。飽看  
西山插翠霞。

其三

高人惠我嶺南茶爛賞飛花雪沒車

是日作茶會值雪

玉屑三甌烹嫩葉青旗一葉碾新芽頓令衰  
叟詩魂爽便覺紅塵客夢賒兩腋清風生坐  
榻幽歡遠勝泛流霞

其四

酒仙飄逸不知茶可笑流涎見翅車玉杵和  
雲春素月金刀帶雨剪黃芽試將綺語求茶  
飲持勝春衫把酒賒吸罷神清淡無寐塵囂  
身世便雲霞

其五

長笑劉伶不識茶胡為買鍾謾隨車蕭、暮  
雨雲千頃穩、春雷玉一芽建郡深甌吳地  
遠金山佳水楚江賒紅爐石鼎烹團月一椀  
和香吸碧霞

其六

枯腸搜盡數杯茶千卷胸中到幾車湯響松  
風三昧手雪香雷震一槍芽滿囊垂賜情何  
厚萬里携來路更賒清興無涯騰八表騎鯨  
踏破赤城霞

其七



吸罷江南一椀茶，枯腸歷歷走雷車。  
黃金小碾飛瓊屑，碧玉深甌點雪芽。  
筆陣陳兵詩思勇，睡魔卷甲夢魂賒。  
精神爽逸無餘事，卧看殘陽補斷霞。

和冲霄韻五首

垂亡

聖道賴君鳴坎軻，休嗟道不行。  
須信詩魔降筆陣，好將酒戰破愁城。  
滔天秋水如人志，薄似閑雲似世情。  
一舉冲霄知有日，垂天萬里看鵬程。

其二

古今興廢不堪聽寵辱都如夢一鷺韜略欣然  
推後進琴書足以了餘生既知物、頭、是誰  
問朝、暮、情散盡迷雲何所有一輪秋月  
普天明

其三

天涯索寞正窮秋  
衰草寒煙無盡頭  
葉底哀蛩空促織  
雲間征鴈祇供愁  
酪漿滿引澆羊脚  
糲食隨緣薦鹿脩  
試暫迴光樂真覺  
人間萬

法一時収

祇供愁一作  
謾書愁

其四

星々華髮鏡中驚  
好賦歸欵接浙行  
重位寧貪  
高一品故園無  
憚遠千程  
晴天花絡春山色  
落日松和秋水聲  
無恙閭峯三百寺  
遨遊吟嘯  
老餘生

其五

古木殘陽映矮崗  
鴈行天際寫秋光  
霜裛帶雨  
添愁色  
晚菊和風送冷香  
濁酒三季渾未試  
黃  
糧九月得初嘗  
龍沙且喜身強健  
南望幽人天  
一方

又一首

不見高陽舊酒徒  
臨風惆悵幾踟躕  
無窮真味思焦尾  
有限浮生嘆白駒  
德望服人輸二陸  
文章重世媿三蘓  
散材潦倒渾無用  
空作昂藏一丈夫

和冲霄十月桃花韻二首

桃源仙子憶劉郎  
不憚嚴冬雨雪涼  
紅雨已先初夏落  
妖鬼重對小春芳  
冷侵絡萼剛舒臉  
寒徹朱衣強噴香  
誰向荒園慰蕭索  
數枝無語映斜陽

其二

春生秋殺乃天常來往推遷火與涼晚節正當  
陰氣塞窮冬忽見小桃芳豈知卜束東能成實  
借與江梅敢並香自媿備員調鼎鼎不知何  
事謬陰陽

用薛正之韻

無德慙為天下先湖山歸計好加鞭霜深尚有  
離邊菊風勁全無葉底蟬三弄瑤琴歌素月  
一樽濁酒醉蒼煙鳳池分付夔龍去萬頃瀟  
湘屬湛然

湛然居士文集卷之五

湛然居士文集卷之六

和景賢見寄

用劉潤之乞冠韻

西域河中十詠

西域和王君玉詩二十首以唱玄

和楊彥廣韻

題平陽李君實此君軒

西域有感

早行

自敘

西域元日

西域寄中州禪老

蒲華城方林老人

寄巨川宣撫

寄南塘老人張子真

觀瑞應鶴詩卷獨子進治書無詩

寄德明

才卿外郎五年止惠一書

寄清谿居士秀玉

戲秀玉



寄張子間

和薛正之

寄用之侍郎

和正卿待制韻

寄仲文尚書

雪軒老人邦傑久不惠書

謝王清甫惠書

思親二首

思親用舊韻二首

思親有感

再過西域山城驛

辛巳閏月西域山城值雨

十七日早行始憶昨日立春

是日驛中作窮春盤

西域蒲華城贈蒲察元帥

乞車

戲作二首

過太原南陽鎮題紫微觀壁三首

和松月野衲海上人見寄二首

夢中偶得

賈非熊餞余用其韻

用李德恒韻

松月老人寄詩因用元韻

和景賢見寄

龍岡參透後三三髮鬢前人何所慚妙筆照  
人驚老字新詩入手想清談塵中名利予難  
出夢裡榮華君不就准擬歸時便歸去問山

珍重舊禪菴

珍重一作好在

用劉潤之乞冠韻

隱逸養幽慵飄蕭兩鬢蓬角巾折暮雨醉  
帽落秋風避暑掛石上銜杯漉酒中忘機任真

率露頂向王公

西域河中十詠

寂寞河中府連燕瓦及萬家蒲萄親釀酒杷  
攬看開花飽啖鷄舌肉分食馬首瓜  
人生惟口腹何礙過流沙

土產瓜大如馬首

其二

寂寞河中府臨流結草廬開樽傾美酒擲  
網得新魚有客同聯句無人獨看書天涯獲  
此樂終老又何如

其三

寂寞河中府，遐荒僻一隅。  
葡萄垂馬乳，杷攬爍牛酥。  
釀春無輸課，耕田不納租。  
西行萬餘里，誰謂乃良圖。

其四

寂寞河中府，生民屢有災。  
避兵開邃穴，防水築高臺。  
六月常無雨，三久却有雷。  
偶思禪伯語，不覺笑顏開。

其五

寂寞河中府，頽垣遠故城。  
園林無盡處，花木不知名。  
南岸獨垂釣，西疇自省耕。  
為人但知

足何處不安生

其六

寂寞河中府西流綠水傾衝風磨舊西來

西人作磨風動机軸

以磨

懸碓杵新粳

西人皆懸杵以春

春月花渾謝冬天草丹

生優游聊卒歲更不望歸程

其七

寂寞河中府清歡且自尋麻牋聊寫字葦筆

亦供吟筆柄學鑽笛官門自斷琴臨風時適

意不負昔年心

得故宮門堅木三尺許斷為琴有清聲

其八

寂寞河中府西來亦偶然每春忘舊聞隨月出  
新年強策渾心竹難穿無眼錢異同無定據俯  
仰且隨緣西人不計閏以十二月為歲有渾心竹  
其金銅牙錢無孔郭

其九

寂寞河中府聲名昔日聞城隍連畝市井半  
丘墳食飯秤斤賣金銀用麥分生民怨來後  
箪食謁

吾君

其十

寂寞河中府遺民自足糧黃橙調蜜煎白

餅糝糖霜漱旱河為雨無衣隴種羊一從西到  
此更不憶吾鄉

西域和王君玉詩二十首

年來深欲買湖山分負病難酬絹五千歸去不從  
陶令請知音未遇孟嘗賢排愁器具思歡伯  
送老生涯乏貨泉惟有詩魂常伴我間吟陶  
寫筒中玄

其二

一髮及燕然曉日邊寒雲疊、亂山千萬重沙  
漠猶逢友十室荒村亦有賢留客芳樽思北



海驚人竒語憶南泉  
思量萬事都渾錯  
勉力輪鎚好叩玄

其三

君侯乘興寫佳篇  
我得瓊琚價倍千  
鈔筆一揮能草聖  
新詩獨惠過稱賢  
半瓶濁酒斟瓊筭  
七碗清茶泛玉泉  
萬里西行真我幸  
逢君時復一談玄

其四

健美金鞍美少年  
盈門劍客列三千  
須知執德元非德  
况是無賢敢自賢  
不解彎弓射石虎

誰能擊劍躍龍泉  
里頭勲業今何在  
壯歲功成愧謝玄

其五

雲龍相感本乎天  
會合君臣歲一千  
西伯已亡誰老  
卜商何在肯賢  
鵝雛未必輕餐鼠  
蚯蚓猶知下飲泉  
巧拙是非無定據  
到頭誰解辨黃玄

其六

奔走紅塵積有年  
深思雪澗竹竿千  
誰能世上全  
三樂好向林間伴  
七賢筆下風生詩似錦

瓮頭春漲酒如泉詩成酒罷寂無事淨几明  
窓誦太玄

其七

竹徑風來自破禪修篁青劍葉垂千爛吟  
風月元無礙高卧烟霞未是賢迷處無由逃  
絆鎖悟來何處不林泉從橫觸目皆真理坐  
卧經行鳥路玄

其八

無減無生不論年誰誇桃熟歲三千休將真  
宰陪司命星名莫使明星動進賢星名有道不

妨居鬧市無心奚礙酌貪泉何能遠遁塵囂  
去且向人間養素玄

其九

從他豪俊領時權指顧貔貅數百千碌々餘生  
甘養拙明々

聖代豈遺賢且圖混世啜醪酒勿謂濯纓棄濁  
泉莫道無為云便了有為何處不逢玄

其十

浮生瞬息度流年唐漢興亡不半千清潔采薇  
輸二子英雄濟世有三賢未能海上尋芝艸且向

塵中泛醴泉醉興陶、略相似無何鄉裡亦通  
玄

其十一

成敗興亡事可憐勞生擾、幾千、調心莫若  
先離欲治世無如不尚賢小楮豈能懷大器短  
繩那得及深泉直須箭透威音外不用無為不  
用玄

其十二

得、清歡樂自然不辭去國客程千翻騰舊  
案因君玉唱和新詩有景賢每遇開樽邀素

月常因盥手，掬寒泉。衰翁白揣，何多幸。未死中  
間，樂此玄。

其十三

幾回午枕不成眠，幽鳥閑、近數千。安世不知  
安世計，隱居常。慕隱居，賢樂行，石榻圍松  
徑。一簇茅齋，繞澗泉。掛起西軒風，似水閑。將  
義我易索幽玄。

其十四

農隱生涯樂自天，藥畦香壟僅盈千。蠅營累  
世真堪笑，狗苟勞生未若賢。帶月扶犁，耕暮

野衝雲荷鍾撥春泉  
耘耔餘暇蓬窓底獨抱  
遺經考至玄

其十五

閑、箇事本明圓一念  
絕興路八千生死既知  
皆是幻功名猶戀豈能  
賢興來暢飲斟晴月  
醉後高歌枕碧泉觸處  
逢渠何所礙不玄、處  
亦玄玄

其十六

物、頭、總是禪觀音應  
現化身千杜門晏坐  
無傷道遊世幽居也是  
賢極為看山開翠竹

偶因煎茗汲清泉  
靈雲點檢真堪笑  
不見桃花不悟玄

其十七

蓑衣狂脫暮江邊  
一醉寧論價十千  
老矣馮唐何所往  
歸與陶令最為賢  
靈苗細、初盈圃  
春水消、漸滿泉  
涵醒夢回無箇事  
澄心忘慮體三玄

其十八

九重閭闔列羣官  
曳珮鳴珂及萬千  
雲水偷將屬野叟  
功名迴施與時賢  
好憑定慧超三



界不戀輪迴沒九泉迅速光陰莫虛度迴光返  
照靜參玄

其十九

不學經書不說禪誰論芥子納三千忘形詩句  
追先覺適意琴書慕昔賢白雪陽春吟雅  
調高山流水奏鳴泉平生受用元無盡參透  
真空未是玄

其二十

鯁生詩癖慕詩仙謂君玉也亂綴狂吟數百千淺陋  
妄言唾後哲清新綺語愧先賢摧殘吟鬢星

髮傾倒詞源渾、泉韻險言窮無可說祇憑此  
句露深玄

和楊彥廣韻

三臺須要趁琵琶知己相逢兩會茶家雖斷勿傷  
石內玉縱橫須放火中花探玄渾似三杯酒清興  
何消七椀茶誰識湛然端的處差徃隨分納  
此此

題平陽李君實此君軒

環榻森、蔭好涼此君風味詎能忘虛心悄、  
生來勁直節亭、老更剛雖與蓬蒿均雨露

本同松菊傲風霜  
主人雅志元堪尚  
物以羣分類以方

西域有感

落日城頭鴉亂啼  
秋風原上馬頻嘶  
雁行南去瀟湘北  
萍跡東來烏鼠西  
百尺棟梁誰着價  
三春桃李自成蹊  
功名到底成何事  
爛飲玻璃醉似泥

早行

馬駝殘夢過寒塘  
低轉銀河夜已央  
雁跡印開沙岸月  
馬蹄踏破板橋霜  
湯寒卯酒兩三盞  
引睡新詩四五章  
古道遲：四十里  
千山清曉日蒼蒼

涼

自敘

信流乘坎過西天鉢裡吞針亦偶然只道一花剛點  
額不知三子暗登肩既來此世難逃數且應前生  
未了緣俗眼見時難放過并賊陳首萬松軒

西域元日

凌晨隨分脩樽罍辟瘟屠蕪飲一椀迂叟不令  
書盤時壘痴兒剛要畫鍾馗新愁又逐東風至  
舊信難隨春日來又向邊城添一歲天涯飄泊  
幾時回

西域寄中州禪老士大夫一千五首

恨離師大早淘汰未精起乳慕之念

作是詩以寄之

吾師道化震清都奔逸絕塵我不如近日虛傳  
三島信幾年不得萬松書宗門淘汰猶嫌少習  
氣薰蒸尚未除惆悵天涯淪落客臨風不是憶

鱸魚

蒲華城夢萬松老人

辛巳閏月蒲華城夢萬松老人法語  
諄覺而猶見其髣髴作詩以寄

華亭鬢方鬢舊時舟又見吾師釣直鉤只道夢中  
重作夢不知愁應更添愁曾參活句垂青眼未  
得生侯已白頭撒下塵囂歸去好誰能騎鶴上  
揚州

寄巨川宣撫

巨川宣撫文武兼資詞翰俱妙陰陽  
曆數無所不通嘗舉法界觀序云此  
宗門之捷徑也今觀瑞應窟詩巨川  
首唱焉嘆其多能作是詩以美之

曆數興亡掌上看提兵一戰領清官馬前州詔

珠璣潤紙上揮毫風雨寒昔日談禪明法界而  
今崇道倡香壇諸行百輔君都占潦倒鯁生何  
處安

寄南塘老人張子真

張侯風味詎能忘黃米曾令我一嘗  
昔予馳驛之  
漁陽道過南

塘子真台子  
一設黃飯抵死解官違

北闕達生遯世釣南塘知來何假靈龜兆  
昔論運  
氣頗知

未來作賦能陳瑞鶴祥豈是西邊無土物不如詩

句寄東陽

觀瑞雀詩卷獨子進治書無詩

丁年蘭省識君初，緩步鳴珂遊帝都。  
象簡常陪天仗立，玉驄曾使禁臣趨。  
只貪滯酒長安市，不肯題詩瑞應圖。  
我念李侯端的意，大都好事不如無。

寄德明

德明 萬燕作詩欲自絕，且云但得  
為一飽，死鬼足矣。士大夫憐之，其詩未  
句有云功名拍手笑，殺人四十八年如一  
夢。予每愛此兩句，近觀弥勒下生賦，德  
明所作也，因作詩以寄之。



英侯志節本凌雲尚自飄零故國塵有道且同  
麋鹿友談玄能說虎狼仁幸然不作飽死鬼可  
惜空吟笑殺人彌勒下生何太早莫隨邪見說  
無因楞嚴經第十卷云未來世有人喫糠思痴種無因而非見破壞世間人故有是句  
才鄉外郎五年止惠一書

五年只得一書題路遠山長夢亦迷睡老黑甜

酣順北

公詩中有云耽睡老有燕南順北之句

冷官清淡泊遼西

西遼故都之西

也羨人得志能如虎笑我乏材粗效鷄佇看

天兵旋北關從今不用玉關泥

寄溪谿居士秀玉

鷓鴣猶欠一枝栖不得燕上半上犁時復有琴歌  
碧玉年來無夢繞清谿數行文宇聊遮眼半紙功  
名苦啞臍回首故人今健否餘生甘老碧石雲西

戲秀玉

犀書聞秀玉油房蕭索馬溺衛死田  
畝水災不勝感歎清溪達士豈芥蒂

胸中耶因作詩以戲之

清谿掀倒打油房五衛凋零三徑荒未信塞公羽  
嗟失馬須知禦寇覓匹羊東湖菡萏從君賞西域蒲  
萄輸我嘗各在天涯會何日臨風休忘老鬢郎

清谿嘗戲呼  
予為驛郎

寄張子聞

憶昔携琴論太玄

渠通太玄經

湛然初識子聞賢  
回

頭葱嶺仍千里  
分手

松軒已五年

常會萬松東

望廬龍傾玉表西來青鳥闕  
金牋幾時重會燕

山道一曲臨風奏水僊

予彈水仙  
公常學之

寄用之侍郎

用之侍郎遺書誠以無忘孔子之教予

謂窮理盡性莫尚佛尚佛乘濟世安

民無如孔教用我則行宣尼之常道

舍我則樂釋氏之真如何為不可也因

作詩以見意云

蓬萊恰我寄芳牋勸我無忘仁義先幾句良言  
甜似蜜數行溫語煖于綿從來誰識龜毛拂到  
底難調膠柱絃用我必行周孔教舍予不負萬  
松軒

和正卿待制韻

布袖龍鍾兩眼塵丹誠如舊白頭新暮雲西畔猶  
懷漢曉日東邊總是秦酒賤不妨連夜醉花繁長  
發四時春花繁酒賤無佳思誰念天涯萬里人

寄仲文尚書

知仲文尚書投老而歸嘆其清高作詩

以寄

仲文曾作黑頭公輔弼明時播美風治粟貨泉流  
冀北提刑奸跡屏膠東笑觀桃李新恩遍拜掃  
松楸老計終西域故人增喜色萬全良策不謀  
同

雪軒老人邦傑久不惠書作詩怨之

當時傾蓋便忘年別後春風五度遷萬里西行  
愁似海千山東望遠如天不聞舊信傳梅嶺試

道新詩怨雪軒更上危樓一回首朝雲深處是  
燕然

謝王清甫惠書

西征萬里危巖鑿輿高閣文章束石渠只道昔年  
周夢蝶却疑今日我為魚一替華髮垂、老西  
眼黃塵事、踈多謝貴人怜遠客東風時有寄  
來書

思親二首

老母琴書老自娛吾山側近結蓮廬野邊尚結

辟兵髮

昔予從征太夫人以髮少許賜予云俗傳父母之髮戴之可辟五兵今尚存焉

篋內猶

存教子書幼穉已能學土梗老兄猶未憶鱸魚  
誰知萬里思歸夢夜、隨風到故居

其二

昔年不肯卧茅廬贏得飄蕭兩鬢疎醉裡莫知  
身似蝶夢中不覺我為魚故園屈指八千里老  
母行年六十餘何日挂冠辭富貴少林佳處卜新  
居

思親用舊韻二首

前年驛騎過西陲聞道萱堂鬢已絲琴斷五絃  
忘舊譜菊荒三徑負疎離筵前戲笑知何日膝

下嬉遊看幾時欲附一書無處寄愁邊空咏滿

囊詩

其二

天涯惟仗夢魂歸破夢春風透客幃燈下幾時

哦麗句

太夫人昔有詩云挑燈教子哦新句吟淡生涯樂有餘

廷前何日舞斑衣

垂、塞北行人老得、江南遠信稀回首故園千

萬里倚樓空望白雲飛

思親有感

骨肉星分天一涯萱堂何處憶孤兒排愁正賴

無聲樂遣興學吟有眼詩麗句日逐三上尔香醪



時復一中之年前漢使來西域笑我星、兩鬢絲

再過西域山城驛

庚辰之冬馳驛西域過山城驛由辛巳暮  
冬再過題其驛壁

去年馳傳暮城東夜宿蕭條古驛中別後尚存  
柴戶棘重來猶有瓦窻蓬主人懽喜鋪毛毯驛  
吏倉忙洗瓦鍾但得微軀且強健天涯何處不  
相逢

辛巳閏月西域山城值雨

冷雲携雨到山城未敢衝泥傍險行夜聽窻聲初

變雪曉窺簷溜已垂冰淚凝孤枕三停濕花結  
殘燈一片明又向茅亭留一宿行雲行雨本無情

十七日早行始憶昨日立春

客中為客已浹旬歲杪西邊訪故人杞欒花前風  
弄麥葡萄架底雨沾塵山城腸斷得窮臘村館  
竟消偶忘春今日喚迴十載夢一盤涼餅翠蒿  
新

是日驛中作窮春盤

昨朝春日偶然忘試作春盤我一嘗木案切開銀  
線亂砂瓶煮熟藕絲長勻和豌豆揉葱白

西人煮餅  
必投以豌豆

豆細剪萋蒿點韭黃也與何曾同是飽區、何必  
待膏粱

西域蒲華城贈蒲察元帥

騷人歲杪到君家土物蕭疎一餅茶相國傳呼  
扶下馬將軍忙指買來車琉璃鍾裡葡萄酒琥珀  
瓶中把欖花萬里遐荒獲此樂不妨終老在天涯  
將軍乃元帥  
子也

乞車

君家輪扁本多能碧軾朱轅照眼明居士此回無  
馬坐郎官不可輒徒行陳遵投轄情何重將行  
又留

連數日靈輶扶輪報敢輕別更不須尋土物載將春  
色去東城

戲作二首

蒼顏太守領西陽招引詩人入醉鄉  
屈叻輕衫裁鴨綠葡萄酒泛我鴛黃  
歌姝窈窕髻再遮口舞妓輕盈  
眼放光野客乍來同見慣  
春風不足斷人腸

白葡萄酒  
色如金波

其二

太守多才民富強  
風光特不讓蘇杭  
葡萄酒熟紅珠滴  
杞欖花開紫雪香  
異域絲簧無律呂  
胡姬

聲調自宮商人生行樂無如此何必咨嗟憶故鄉

過太原南陽鎮題紫薇觀壁三首

廷臣侍從茂前驅道侶忻奔逐使車縣吏喜聞  
新號令村民爭認舊中書累、山菓盈磁鉢薄  
、濁醪半瓦壺、逸競詢新事跡幾時遷洛卜  
新都

其二

吾皇巡狩用三驅萬騎千官奉

帝車北闕春頒勸農詔南陬夜奏報捷書士民按  
堵耕盈野老幼迎郊漿滿壺佇看要荒歸一統天

兵不日破東都

其三

三教根源本自同，愚人迷執強西東。南陽笑倒知音

士，反改蓮宮作道宮。

紫微觀舊佛寺也。村人改佛像為道像，故有是句。

和松月野衲海上人見寄二詩

遊子癡愚莫識家，牛車遠棄愛羊車。汪洋渤海

龍宮，藏涓滴波瀾。次井蛙迷後，萬言猶是少悟來。

千里不為賒叢林，衲子空行脚。遠徧天涯與海涯。

其二

小隱居山何太錯，居廬大隱絕憂樂。山林朝市咲呵

為報禪人莫動著

夢中偶得

庚辰正月夢旃檀刹澄公託萬松老人乞筆

壽於予、以九十一莖贈之仍作頌一絕覺

而猶憶遂錄之為他日一笑云

昔年鉤隱索幽奇只向縱橫枝上覓而今拍手笑呵

九九元來九十一仍囑付從者云若澄公道何不云八十一

著語云幾日昏  
汝但應云果然、拂袖便出覺而自  
沉夢中挫五

賈非熊餞余用其韻

鑾轡和鳴車指南廷臣自愧侍龍驂平生慷慨貞

夫一萬里別離益友三老子此行無酒債故人歸計有  
禪菴白雲野衲皆宗匠道服因緣好細參

用李德恒韻

吾子棲遲尚布衣挑燈彈鋏壯歌悲阮生固已開青  
眼馬氏元來有白眉運拙巢由真可慕時亨房杜  
不難為男兒用舍奚愛喜三徑耕耘足自資

松月老人寄詩因用元韻

談禪講教不知家芳草漫漫去路差杓卜虛聲亦  
老鼓盤星錯認洞山麻全無去就論空色誰有心情  
說照遮松月野僧須薦取釣魚人是老玄沙



和薛正之韻

天涯倚遍塞城樓  
凝望冥鴻空自羞  
禮義不張真我恨  
干戈未戢是吾憂  
每憐丹鳳能擇食  
常嘆黃能悞上鉤  
何日解禁償舊約  
扁舟蓑笠五湖遊

開化園

湛然居士文集卷之六

中華圖書館

卷六

三

湛然居士文集卷之七

用李邦瑞韻

寄平陽淨名潤老

和鄭景賢韻

和李茂才寄景賢韻

除戎堂

寄武川摩訶院圓明老人

和李謹臣韻四首

和北京張天佑見寄

戊子繼武成劉搏霄韻

憩解州邵薛村洪福院

邵薛村道士陳公求詩

過金山和人韻三絕

謝王巨川惠臘梅因用其韻

和王巨川題武城王廟

又用韻 又一首

和景賢七絕

又和四絕

和景賢二絕

和高冲霄三首

過天山和上人韻二絕

過覃懷二絕

王屋道中

過天德用遷上人韻

贈遼西李郡王

題張道人扇二首

題古并覃公秀野園

題昭上人松菊堂

題平陽劉子寧玄珠堂

題誌公圖

題黃山墨竹便面

請住東堂

請倪公

請照老住華塔

華浴昭上人請為功德主

請崑公禪師詣大德為水陸大會

和賈搏霄韻二絕

和高麗使三首

夢中偶得

和武善夫韻

題寒江接舫圖

題黃梅出山圖

夢中贈聖安澄老

跋定僧山品

咏探春花用高冲霄韻

寄休林老人

過濟源登裴衣公亭用閑、老人韻四絕

再用前韻

復用前韻

再和西菴上人韻

請真老住華塔

請玉公住太原開化

和薛伯通韻四絕

和松菊堂主人照老見寄三詩

洞山五位頌

大陽十六題

西域嘗新瓜

天德海上人寄詩用元韻

寄白雲上人用舊韻



武川摩訶院請為功德主

和彥長老二絕

過平陽高庭英索詩強為一絕

用李邦瑞韻

沉、北海雪波深老眼增明寸碧岑未得一江活物  
水何酬四海望雲心我生有遇千年會自愧難為  
三日霖吾子依然虛讚德臨風羞繼謫仙吟

寄平陽淨名潤老

驛騎新從平水迴知公無恙笑顏開出門不剪閒  
庭草退步從生古殿苔玉鎖何須絳彩鳳金鈎母

得釣黃能夜深織就無紋錦  
但有人來寄箇來

和鄭景賢韻

我愛龍岡老鳴琴自老成  
未彈白雪曲先愛水仙聲  
但欲合純古誰能媚世情  
林泉聊自適何必獻承明

和李茂才寄景賢韻

醒時還醉、還醒尚憶輪臺飲  
興清瀚海波濤  
君思聽天山風雪我難行  
好學慷慨英雄操毋傲  
辛酸兒女情但得胸中空灑灑  
天涯何處不安生

除戎堂

王師西征賢帥賈公留後于雲內竹葉除

戎堂于城之西阿以練戎事御武折衝高  
出前古子道過青塚公名子宴于是堂  
鴻筆大手題詩灑墨錯落于楹棟間  
皆讚揚公之盛德子因作二詩以陳其

梗槩云

除戎堂主震威名一掃妖氛消未萌不出戶庭成  
廟筭折衝樽俎有奇兵何須公瑾長江險安用蒙  
恬萬里城坐鎮大河兵偃息居延不復塞塵驚

其二

除戎廳事築城阿烽火平安師旅和遠勝長城

欺李勣徒標銅柱笑伏波服心不用七擒策禦侮  
何勞三箭歌高枕幽篔無一事西人不敢牧長河

寄武川摩訶院圓明老人

臨行不暇別圓明禪客機關百變生明月清風  
都不會落花流水兩無情只知常謁摩訶院誰  
道曾離歸化城賓主相忘非聚散咲談松竹自  
清聲

其二

新詩入手眼增明老作機鋒太峻生略序寒溫  
閑禮數過承褒賞假人情羨君奮迅超真地笑

我徘徊戀化城且喜武川歸海若狂流萬派盡  
消聲

其三

我愛圓明道眼明簡書時復寄鯁生談真辯妄  
輸達士背正歸邪笑世情且隱驪珠光萬丈奚  
貪尺璧價連城穹廬高枕無餘事靜聽潮車轉此  
海聲

其四

歸與不得效淵明細碎功名誤此生客裏正如  
閑氣味病來猶有好心情冰絃罷品昭君曲醉

墨閑題蘇武城受用觀音法無盡悲如風送雨  
三聲

其五

一扇儒風佛日明舍生從此樂餘生高人編竹簡  
尋長味衲子林泉稱野情見道穀綿充廩歲喜  
聞流散集京城自慚無德毗  
明主千里虛名浪播聲

和李漢臣韻四首

夢中身世髣垂斑方士從誇藥駐顏性海一波  
涵萬象威音雙箭透重關圓融月水非生滅浩

渺虛舟任往還便好灰心養愚拙須知大智本  
閑

其二

飛龍登九五曆數與天膺休運綿瓜瓞功臣列  
土封但期酬子志奚慮枕吾肱千載聖人出休  
嗟見有恒

其三

雲中棲隱養雄豪我愛先生一著高鼓腹詩鳴  
光聖世雄文端可維離騷

其四

龍庭十載不知疲自恨無才出六奇欲著涓埃  
裨海嶽虛名閑譽畏人知

和北京張天佐見寄

寓跡龍庭積有年功名已後祖生鞭銷金象口  
嫉居士好事獨君慕湛然許遠雲山分袂別幾  
時風雨對床眠瓊華贈我將報聊寄江南古  
樣絃

戊子繼武川劉搏霄韻

不得吾山卧翠霞西行、遍海之涯火風地水雖  
非我南北東西總是家驛騎親馳涉弱水星輶



躬駕過流沙惟期 聖德漸遐迹不憚龍庭萬  
里賒

憩解州邵薛村洪福院

天兵南出武陽東暫解征鞍憩梵宮玉像巍  
紅葉捧金容奕々碧紗籠三秦繁盛如席卷兩  
晉風流掃地空唯有真如元不壞青山依舊白  
雲中

邵薛村道士陳公求詩

玄言聖祖五千言不說飛昇不說仙燒藥煉丹  
全是妄吞霞服氣苟延年須知三教皆同道可

信重玄也似禪超破異端何足慕紛紛皆是野  
狐涎

過金山和人韻三絕

金山突兀翠霄霞  
高賞渾如享太牢  
半夜穹廬伏枕臥  
亂雲深處野猿號

金山前畔水西流  
一片晴山萬里秋  
蘿月團圓上東嶂  
翠屏高挂水晶球

金山萬壑聞聲清  
山氣空濛弄晚晴  
我愛長天漢家月  
始人依舊一輪明

謝王巨川惠臘梅因用其韻

雪裡冰枝破冷金前村籬落暗香侵令人多謝  
王公子分惠幽芳寄好音

和王巨川題武成王廟

商辛自底滅亡期保障全空聚璽絲誰識華山  
歸馬日易于渭水釣魚時

又用韻

不遇知音鍾子期逢人未敢理冰絲年來忘盡  
悲風操空憶傷麟嘆鳳時

又一首

今年扈從入西秦山色猶如昔日新詩思遠隨

秦嶺雁征衣全染灞橋塵  
含元殿壞荆榛古花  
萼樓空草木春千古興亡同一夢  
中多少未  
歸人

和景賢七絕

一曲悲風為子彈  
穹廬聊復助清歡  
自慚未盡  
桐君趣老境方知道  
愈難

龍庭十載典南訛  
再品朱絃韻未和  
美漣千鍾  
聊當酒純音三弄  
且充歌

今日邊城又見君  
試彈流水藝梅魂  
聲和塞色  
金徽潤香散穹廬  
玉斝溫

雅操真堪坐廟堂積年仁義佐賢王鳴琴談笑  
澤天下始信斯文天不亡

桐孫元採嶧陽林萬里携來表素心聊尔贈君  
為土物也教人道有知音

年來衰老四旬餘願與人間萬事踈惟有琴魔

降不得鳴球曼玉徹清虛

一作美來心地未清虛

知音重遇已忘憂况復邊山七月秋聯句絃歌  
清夜樂人生適意亦何憂

又四絕

年來世事已參商但有聲塵尚木忘若向琴中

定優劣龍岡錯認老髯郎

撫弄桐君樂自然寥々古意詎容傳伯牙檢點  
真堪笑不遇知音便絕絃

幽人寥落思無窮付與軒昂三曲中欲罷不能  
行且止泣麟嗟鳳鼓悲風

接得新詩想咲談奇才獨步斗之南縱橫風月  
輸君手惟有枯禪不許參

和景賢二絕

常許景賢黃華墨跡景賢寄詩督予

因和其韻以戲之

醉時還許醒時無諺有斯言正謂予未得素鵝  
白似雪等閑難與右軍書

龍岡才德古來無敏捷新詩正起予詞翰雙全  
妙天下銀鈞深似魯公書

和高冲霄二首

十里東風渭水春臨風酌月吊英魂直須立事  
書麟閣何必題詩寄雁門

翠華南渡濟蒼生垂老將觀德化成昨夜行宮  
傳好語秦川艸木也忻榮

過天山和上人韻二絕

從征萬里走風沙  
南北東西總是家  
落得胷中空索索  
凝然心是白蓮花

一入空門我暢哉  
浮雲名利已忘懷  
無心對境誰能識  
優鉢羅花火裡開

過覃懷二絕

十年寥落隱官廬  
驛使空來好信無  
再過覃懷不見陳  
迹冰魂無恙影扶疎

信斷江南望驛塵  
十年辜負嶺頭春  
而今重到覃懷地  
却與梅花作主人

玉屋道中



雪嶺風林度古關  
畫圖曾見晉名賢  
而今好倩丹青手  
添我龍鍾一湛然

過天德用遷上人韻

行盡中原二百州  
黃龍能往不吞鉤  
而今再出天山道  
收拾綸竿北海游

贈遼西李郡王

我本東丹八葉花  
先生賢祖相林牙  
而今四海歸皇化  
明月青天却一家

題張道人扇二首

誰裁雲扇綴春機  
招引微涼枉費工  
何似踏開

真境界普天匝地起清風

真空境界本如、病眼生花認畫圖至道絕形  
剛著面太虛無面更添鬚

題古并潭公秀野園

流水潛穿屋下籬青山屋上數峰奇佳園已有  
溫公句何必求公更寫詩

題昭上人松菊堂

晴煙蒼筤出牆青斜日黃華隔檻明松菊尚存  
婦未得湛然真箇太憨生

題平陽劉子寧玄珠堂

玄珠失却已多時縱使離婁枉用眉誰識這些  
閑挨子再三撈漉始應知

題誌公圖

昔傳難貌誌公真我道斯言尚未親利：塵、  
無處避丹青也是本來人

題黃山墨竹便面

黃山落筆露全機  
庭箇團團太崛奇  
點破本來真面目  
何妨節外更生枝

請住東堂

雲中豪俊搆東堂  
便請禪師蚤發裝  
自有東山

港七  
鐵餒餒不妨拈出大家嘗

請倪公

倪公本是我同參道價崢嶸冠斗南千里雲山  
舊遊地何妨杖錫住西菴

請照老住華塔

華塔當年隱虻龍車轉雷掣電滿雲中而今却  
請還山去折脚鐺邊煮晚風

華塔照上人請為功德主

晉陽名利僅千區華塔叢林冠一隅今日請予  
來領略他年乞我一禪廬

請品公禪師詣天德作水陸大會

禪師久住賀蘭山心與白雲自在閑便好因風  
到人世化為甘露滿人間

和賈搏霄韻二絕

舉世昏：似醉眠悲哉不肯救頭然祖師點破  
新開振直指人心教外傳

而菴談道頓忘眠今日相逢亦偶然欲問瞿曇  
端的處燈籠露柱却能傳

和高麗使三首

神武有為元不殺寬仁常愧數興戎仁綏武震

誠無敵重譯來王四海同

揚兵青海西涼滅渡馬黃河南汴空百濟稱藩

新內附馳輶來自海門東

壯年吟嘯巢由月晚節吹噓堯舜風西髻蒼

塵滿眼東人猶未識髯公

夢中偶得

我愛湖山好茆齋繞澗泉道人閑受用不使半

文錢

和武善夫韻

佐主焦勞力已殫微才安可濟時難開樽北海

希文舉携妓東山咲謝雨露新恩

君責重桑榆老境我年殘何時致政間山去三  
逕依然松菊寒

秋霖初霽覺新涼午夜東山月吐光翠竹無心  
甘晚節黃花有意助年芳忠誠自許一心赤老  
境誰怜兩鬢霜遙憶吾山歸未得故人書簡怨

東陽

題寒江接舫圖

一派瀟湘萬里山閑騎凍鬪點江天風帆雪棹  
知多少認取華亭沒底船

題黃梅出山圖

佛祖不識山中主良才可惜遭斤斧肩擔明月  
過前峰一時忘却曹溪語

夢中贈聖安澄老

一束三人作一團了無前後亦無偏幾乎笑殺  
龐居士擬問如何便著拳

跋定僧出

玉晶三尺碧玲瓏入定僧迷一色功打入無明  
山鬼窟不知何日透真空

咏探春花用高冲霄韻



風拂新芳暎短牆  
典刑依約類丁香  
梅花欲謝渠先坼  
消得東君為汝忙

寄休林老人

一禪客論洞山公案  
渠謂洞山果有喫棒  
分因作頌以寄之

世上元無真是非  
叢林禪客自多疑  
此詩寄向并州去  
笑倒休林老古錐

過濟源登裴公亭用閑、老人韻四絕

一抱青山插碧空  
平湖春水碧溶溶  
裴公亭下千竿竹  
撩我詩情得、濃

港七  
珍玉參差照底寒、佳句繼香山  
碑有樂天詩在焉

湛然不撥真堪笑也敢題詩列壁間

繞垣喬木碧天參松竹蕭蕭翳鏡潭他日携琴  
來隱此林間乞我一禪菴

碧湖風定水痕平雪竹幽禽自好聲我羨清源  
高隱士干戈人世不知兵

再用前韻

山接晴霄水浸空山光灑、水溶、風迴一鏡  
柔藍淺雨過千峰潑黛濃

掀髯再坐語閑臨水仰面徐行飽看山竹裏忽聞

春雪落天教著我畫圖間

侍中菴底春山色  
裴衣老亭邊秋水聲  
修竹茂林真隱地  
但期天下早休兵

劫外玄機好細參  
他年卜築繞澄潭  
琴書活計無多子  
粒與龍岡共一菴

復用前韻

水影連天、渺、山光和水、溶、一林修行  
搖雲碧百畝涼陰蔽日濃

門外回環皆碧水  
亭中坐卧得青山  
凭闌盡日搜新句  
思入煙霞縹緲間

幾時投老謁同參擬向

君王乞鏡潭飮了遨遊容膝處非衣公亭與侍中

菴

一作爛賞裴公亭畔竹  
歸來容膝侍中菴

四海干戈尚未平不如歸隱聽歌聲情知文武  
都無用罷讀詩書不學兵

再和西菴上人韻

不在尋求不在參誰分西北與東南雲川試入  
西庵去三聖元來共一菴

請真老住華塔

華塔叢林久席虛真公予請肯來無湛然拙偈

呈君去便好携瓶倒上馬盡一作笑倒當年十萬夫

請王公住太原開化

大愚不了戾兒孫開化重興政賴君便請踏開  
關猴子何妨地矣與天薰

和許伯通韻四絕

黃華紅葉滿秋山月浸銀河夜未闌  
深院落有人何處倚闌干

碧山粧點塞天秋老盡黃花蝶也愁  
顛倒舞人間富貴一何樓

衰年且喜志微神鏡裡驚看白髮友  
新何日得遊

雲水去秋江鷗路鳥淡相親

虛名羈我未能歸羞見冥冥一雁飛  
拜掃松楸定何日不堪雙淚對君揮

和松菊堂主人昭老見寄二詩

松菊堂中老故人芝眉重謁我無因  
林松老節應依舊離菊寒英又一新

晉陽相遇亦前因分手歸來迹已陳  
松菊幽堂應冷淡與君同話更何人

俊老茶毗四十年前身是我誤相傳  
香山聲價喧天下爭似衰翁不會禪

來詩謂予香山俊老之後身故以此解嘲云

洞山五位頌

正中偏

十月澄江徹底冰  
梅花江路破瑤英  
寒齋冷坐人無寐  
雪暎書牕一夜明

偏中正

逼、遊子困風塵  
就路還家觸處真  
芳草滿川桃李亂  
風光全是故園春

正中來

石女翩翩鳥道飛  
淵明琴上撫冰絲  
緩歌剗外陽春曲  
慢看盤中白雪詞

兼中至

涇渭同流無間斷華夷一統太平秋而今水陸  
舟車混何礙冰人跨火牛

兼中到

水窮山盡懸崖外海角天涯雲更遮撒手轉身  
人不識迴途隨分納此

太陽十六題

識自宗

拈花老子徒饒舌面壁胡僧太賺人更著洞山  
行過水吾宗從此永沉淪



死中活

百尺竿頭須進步無明鬼窟好抽身  
寒灰定爆真奇味枯木花開別是春

活中死

韶老須弥論過尖廬陵來價認商量  
可憐一粒靈丹藥嚥下喉嚨命已亡

不落死活

白雲深處有滄波半醉微醒哭更歌  
孤艇往來無繫絆陰晴天氣曝漁蓑

背捨

人止家破更何依  
退步懸崖撒手時  
去歲生涯無寸土  
今年活計更忘錐

不背捨

通方大隱好居鄽  
手段能如火裏蓮  
九陌香塵烏帽底  
一椀春水白鷗前

活分

垂衣端拱愧佳兵  
文化優游致太平  
昨夜濛、  
春雨足松筠  
花艸一時榮

殺人劍

雪刃森、倚碧雲  
佛魔凡聖總亡  
鬼水乾滄海

魚龍死火裂昆岡土石焚

平常

寒來向火被添綿夏月臨風使扇  
渴飲飢食隨分過閑中打坐困時眠

利道扶生

竹園、既知迦葉富人、休怨釋迦  
慳破鐺煮得空華實甌裡盛將鉄漢食

言無過失

元知舌上無橫骨須信喉中有轉關  
喚鰲魚為龜人不肯直教迦葉也眉攢

透脫

瀟湘一片蘆花秋雪浪銀濤無盡頭何須漁歌  
發清響路鳥驚鳥飛出白汀洲

透脫不透脫

重陽九日菊花新妙契忘言不犯春收得安南  
真愛伐北不知何日得通津

稱揚

從來箇事不囊葢利、塵、為舉揚近日令嚴  
誰敢犯不教奪市與攬行

降句

就烏嶺默然全是影毗邪杜口本非真燈籠露柱  
呵々笑誤殺浮生多少人  
踈山住々莫忽々龍牙且無租師意須信撲牛  
另有方不犯鋒銜震天地

方久圓

破船折棹殘蓑笠石女直鉤波上月方士徒誇  
錢作金道人極要金成錢

西域嘗新瓜

西征軍旅未還家六月攻城汗滴沙自愧不才  
還有幸午風涼處剖新瓜

天德海上人寄詩用元韻

知子無心謁五侯浮雲富貴豈能留華亭夜靜  
西風軟萬頃滄波浸月鉤

寄白雲上人用舊韻

上人別後未能參一首新詩自北南蕭寺深沉  
香火冷白雲閑鎖舊禪菴

武川摩訶院詩為功德主

昔日南遊又丘春馬蹄踏遍武川塵而今却到  
經行處且與摩訶作主人

和房長老二絕

只識瓶盤不識金瓶盤  
釵釧本真金一從打破  
疑團後物、頭、總是心

又

生死與涅槃都如昨  
夢耳覺後咲呵、無彼亦  
無此

過平陽高庭英索詩強為一絕

一川秋色滿東籬  
雁字行、自寫悲  
試問蒼何所  
蒼黃華紅葉  
搃堪詩

湛然居士文集卷之七終

開化圖書館  
Wahkwa library

湛

三



開化圖書館

Kaichua library

開化圖書館


Kaishwa library

開化圖書館

Kaishua library

開化圖書館

kaikwa library




湛然居士文集

二

Wakana Library  
Kanama Library  
Kanama Library

開化圖書

kaishua library



**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color